

## **Intervensaun husi bancada FRETILIN: apresiasaun dala ikus taka debate OR**

**Parlamentu Nasional, 12 Outubru 2012**

**Apresenta husi deputada Josefe Pereira no Nina Rangel:**

Ami hakarak hahu ami nia nia intervensaun katak iha periude audiensia publika, em termus de tratamentu ba instituisoens Estadu ami hare iha desekilibriu entre orgaun Ezekutivu I orgaun Legislativu iha nasaun ida ne'e, ami regista Governu iha apoiu "batalhaun" (liafuan husi Ministra Financas rasik) refere ba asesores I teknikus, enkuantu Parlamentu nudar orgaun fiskalizador la iha asesor I teknikus ho numeru minimu atu bele halao nia servisu ho diak.

Iha real situasaun ida ne'e maka Bancada Parlamentar FRETILIN mai halo apresiasaun ikus ba Proposta de Lei Orsamentu Jeral do Estadu Retifikativu 2012 nebe'e apresenta husi Governu atu implementa iha tempu fulan tolu remata tinan Orsamentu. Orsamentu Rektifikativu ida ne'ebe governu hatene hili estratejia hodi koloka rubrika Veteranus no rubrika Idosozos hanesan prioridade ba proposta orsamentu Rektifikativu ida ne'e hodi sai hanesan forma ida atu inpoin ba Parlamentu atu aprova maibe realidade hatudu Orsamentu Rektifikativu ida ne'e iha tusan barak atu selu.

Hare ba Estrutura Organika V Governu Konstitusional, depois de rona liutia iha audiensia publika membrus Governu sira, hatudu klaru iha sobrepozisaun barak funsaun entre membrus governu, I hatan ba kestaun ida ne'e Chefe do Governu iha apresentasaun Programa Governu nian fo razaun ba Organika foun hodi justifika katak membrus V Governu Konstitusional aumenta barak liu IV Governu atu bele responde ba moris povu nian, maibe ami duvida ho numeru membrus governu barak bele responde ba situasaun moris povu nian tanba V Governu Konsitusal sei halo experimentasaun ba sira nia sistema rasik iha funksionamentu nebe seidauk bele garante katak bele responde situasaun moris povu nian, tanba sai referensia ami halo avaliasaun IV Governu nebe hatudutia ona nia resultadu.

Enkuantu Governante sira sei buka halo eksperimentasaun ba modelu governasaun, iha fatin seluk povu ezizi ho halerik atu responde lalais ba situasaun sira nia moris lorloron ba asesu nesidades bazikas hanesan be mos, aihan, folin produsus primeira nesidade nebe asesivel ba sira nia kbiit, infraestrutura Estrada diak, servisu bazikus saude diak no servisu bazikus edukasaun nebe diak.

Impresta deit Sr, Deputado Aderito Hugo nia liafuan iha audensia publika ho Ministerio kompetente Rekursus Naturais hateten, tuir lolos Governo la presija hasai osan husi fundu petrolio ba Projectu Tasi Mane nebe ikus mai la realize hodi bele hetan funan.

Governu iha apresentasaun ba Proposta OJE 2012 defende nia prioridade politika desenvolvimentu nasional focus liu ba mega projetus infraestrutura Tasi Mane, maibe nia resultadu hatudu duvida mai ami katak planeamentu sala tamba estudus teknikus sala maka projetu labele implemeta, I Governu hasai fali milau 50 husi Projectu Infraestrutura Tasi Mane hodi halo despesas rekorentes tanba numeru membrus governu aumenta no hodi atu selu tusan.

Iha audiensia publika ho responsavel ba Ministeriu Financas ami kestiona ba gastus Fundu Contingensia, maibe ami seidauk hetan resposta ba informasaun gastus Fundu Contingensia nebe Governu gasta hotu tia ona osan I husu tan aumentu osan milaun 6 maske Governu justifika katak osan Fundu Contingencia kiik la to montante 5% nebe'e preve iha lei.

Sr. Prezidente

Lorloron media fo notisia povu nia halerik ba be mos iha sidade Dili no iha fatin-fatin iha Timor Leste laran tomak maibe Projetu Be mos ba Zumalai iha OJE tinan 2012 tuir informasaun departamentu kompetente, governu transfere ba selu fali tusan, tusan barbarak nebe'e Governu halo iha OJE ne'e sinal klaru katak Governu la kumpri tuir Lei Orsamento e Gestao Financeira ne'e mos prova katak Governu ladun fo'o atensaun ba nesesidade baziku povu nian hanesan be mos nebe lorloron povu halerik.

Timor Leste iha difikuldade bot atu tama iha jogo kompetitividade internasional tanba iha obstakulus balu nebe sai urgente atu resolve, hanesan kresimentu populasional nebe'e a'as tebes, TL mos regista hanesan pais nebe salariu a'as maibe ho produtividade kik I Timor Leste mos regista hanesan nasaun nebe'e iha inflasaun a'as.

Situasaun ida ne'e kontribui ba hasae inflasaun bot iha Timor Leste nebe'e ohin loron to'o 17%, situasaun nebe'e difikulta Timor Leste bele kompete iha transaksi komersial internasional no la fo kbiit ba sira nebe kbiit laek atu bele iha asesu atu sosa ai-han no artigus primeira nesesidade.

Ami tenta halo avaliasaun ba politika gestaun financeira Estadu iha tinan lima nebe'e ita gasta osan barak maibe nia resultadu iha povu nia moris sei minimu liu, ami preokupa tanba bainhira iha osan barak maka moras korrupsaun mos sai buras, kompara ho moris ema lorloron hanesan ema nebe'e de repenti deit sai riku/orang kaya mendadak, tanba riku de repenti la hatene atu gasta osan didiak entaun dala ruma ita fakar osan deit, tanba osan barak monu iha grupu kik ida hamosu "gengsi gedeh-gedehan", hanesan habitus foun mosu iha ita nia sociedade nebe'e hetan mudansa kuaze radikal, tempu uluk bainhira ema mate ambienti sai triste, ohin loron ema mate sai ambiente hanesan festa, hatudu husi aihan ho bebidas oioin to tua, ohin loron la iha diferensa ema mate ho festa sira seluk iha elite nia le'et, ita nia sociedade sai ona sociedade konsumista nebe'e la produs buat ida, iha informasaun iha ministeriu balu lorloron hameno aifunan fresku husi Bali.

Iha apresentasaun Proposta OJE 2012 ami kestiona Governu konaba orsamentu bot I iha tempu neba ami duvida Governu bele ezejuta orsamentu ne'e ho diak, tanba iha eventu politiku importante rua Eleisaun Presidencial I Eleisaun Parlamentar nebe'e sei hasai tempu Governu nian atu halao sira nia kanar, tanba Governu sei funksiona deit hanesan governu gestaun, maibe'e governu ho nia maioria iha Parlamentu aprova deit orsamentu bot nebe'e ikus mai labele ezejuta, tuir deklarasaun husi Ministra Financas bainhira halo apresentasaun ba Proposta Orsamentu Retifikativu 2012 iha loron 21 Setembru iha audiensia iha Parlamentu Nasional, ikus mai Primeiru Ministru rasik mos konfirma tamba IV Governo iha mandate ikus liu hala'o deit knar hanesan Governo de Gestaun.

Hare ba mapa reseitas domestika, ami sente preokupadu ho ita Timor Leste nia situasaun nebe'e hatudu retratu la iha sustentabilidade ba futuro nasaun ida ne'e, nasaun nebe'e sai dependente

kuaze total ba reseita minarai, karik ita nia tasi hetan desatre bot ida nebe'e produsaun sai paradu, sa destinu los maka hein ita nia nasaun? Tanba iha tinan lima nia laran iha indikator seluk, Governu la konsege halo kolekte ba reseitas domestikas nebe'e bele kobre despesas ba salariu no bens servisu hodi kobre despesas rekorrentes.

Ironia tebes bainhira ita koloka hanesan susesu bot Timor Leste nian iha kresimentu ekonomiku, maibe realidade la koresponde tuir moris povu nian nebe pobreza aumenta liu tan, numeru desempregu sae a'as, mal nutrisaun mos aumenta, mortalidade infantil a'as, mortalidade inan mos sei a'as, inflasaun nebe sahe a'as tebes liu nasaun seluk iha ita nia area geografika hodi halo sira nebe kbiit laek sai kbiit laek liu tan ho numeru grafiku desempregu nebe'e a'as.

Ami hakarak kestiona ba falta de publikasaun husi Governu ba resultadu Inquerito de Rendimento Familiar nebe nia resultadu hatudu iha indikasaun kiak aumenta barak liu tan iha tinan hirak ikus ne'e, tinan sira nebe'e Timor Leste halo investimentu publiku bot liu husi nia Orsamentu Jeral Estadu, numeru indikator kiak sae, ne'e hatudu katak Governu faila iha nia politika desenvolvimentu ekonomiku nasional.

Exepecies

Halo balansu orsamental ba gestaun Orsamentu Jeral Estadu, indikasaun hatudu katak iha aumentu osan gasta barak liu osan nebe previstu iha OJE 2012 hatudu katak ezekusaun orsamentu iha falta disiplina orsamental hodi hakanek Lei Orsamentu e Gestaun Financeira no. 13/2009 hamosu tusan ba estadu.

Razaun barak ami bele apresenta maibe razaun ida nebe ema hotu hatene maka Projetu Portu Naval Hera.

Resultadu projetu Portu Hera hahu husi nia prosesu kontratu to remata projetu sai preokupasaun ba ami nudar ezemplu factual ba politika gestaun financeira husi Governu nebe'e ita bot lidera nebe'e la obedese regras legais nebe eksisti hanesan Lei Orsamentu e Gestao Financeira I tuir ami nia interpretaun ba lei ida ne'e ami husu pesiza iha investigasaun tanba iha krimi negligensia nebe'e lori konsekuensia hatodan kofre Estadu Timor Leste ho kustu nebe'e bot tebes, osan nebe' ita presiza atu hadia povu nia nesiedade bazika.

Sr.Primeiru Ministru responde ba deputadu sira ohin dader mai konfirma deit katak politika reforma Sua.Ex. nian la resolve problema, mai kriatan problemas barak liutan tamba ne'e baa mi politika reforma falla, tamba reforma ba sistema sala maka hamosu funsionariu fiktisius, mate klamar tuir liafuan PM nian, Veteranus fiktisius, idosozos fiktisius mate klamar barak tan.

Em geral, Sua Ex. PM rekonesse mal gestaun, mal administrasaun ho nia konsekuensias hotu ba getaun financeira orsamentu geral do estadu iha IV governu konstitusional, tamba ne'e bazeia ba pontu 1), 2) e 3) artigu 46 Lei Orsamentu Gestaun financeira ami hanoin governo labele rekonesse deit sala maibe ami ejiji responsabilidade husi governo ba responsabilidade politika, financeira, sivil e criminal ba pratika sira ne'e tuir lei haruka.